



## SAOPŠTENJE ZA JAVNOST

### **Produžen pritvor za lice G.L. zbog osnovane sumnje u izvršenje krivičnih djela Ubistva u pokušaju i Nedozvoljeno držanje oružja**

(Brčko, 12.05.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH je produžio pritvor licu G.L. (24)\* iz Brčkog, zbog postojanja osnovane sumnje da je izvršio krivična djela Ubistva u pokušaju i Nedozvoljeno držanje oružja ili eksplozivnih tvari.

Osnovni sud Brčko distrikta BiH je Rješenjem od 9. maja 2025.godine utvrdio postojanje opštih i posebnih uslova za produženje pritvora licu G.L. (24)\* iz Brčkog u trajanju od najduže 2 (dva) mjeseca zbog postojanja naročitih okolnosti koje opravdavaju bojazan da će ukoliko bude boravio na slobodi osumnjičeni mogao ponoviti krivično djelo, a za koje se može izreći kazna zatvora od 3 (tri) godine ili teža kazna, obzirom na načina na koje je krivično djelo izvršeno.

Podsjetimo, u večernjim satima dana 11. aprila 2025.godine ispred ugostiteljskog objekta u naselju Grbavica u Brčko distriktu BiH, lice G.L. (24)\* iz Brčkog u pratnji lica I.L. (24) iz Šamca je nakon fizičkog napada na lica B.B., N.B i M.B. iz vatrenog oružja za koje nije posjedovao dozvolu ispalio više hitaca u namjeri izvršenja ubistva navedenih lica. U ovom događaju nije došlo po tjelesnih povreda kod oštećenih lica ali je nastala materijalna šteta. Nakon izvršenja opisanih krivičnih djela lica G.L. (24)\* iz Brčkog i I.L. (24)\* iz Šamca napustili su mjesto događaja u smjeru Donjeg Žabara, da bi se nedugo zatim dobrovoljno prijavili i predali u Policijsku stanicu Pelagićevo. Nakon izvršene kriminalističke obrade i predaje vatrenog oružja za koje se sumnja da je korišteno za izvršenje opisanih krivičnih djela, naprijed navedena lica su lišena slobode.

U daljem toku postupka, Tužilaštvo će nastaviti poduzimati zakonom propisane istražne mjere i radnje u cilju prikupljanja dovoljnog broja kvalitetnih dokaza i daljeg krivičnopravnog procesuiranja odgovornog lica.

**\*\*Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.\*\***

**VRŠILAC DUŽNOSTI  
GLAVNOG TUŽIOCA**

**RADMILO IVANOVIĆ**